

精鈔
大字

隨園全集

新齊諧

三七



714.27
S4048

明倫彙編
家範典
卷一百一十五

家範典

卷一百一十五



新齊諧卷五

隨園戲編

城隍替人訓妻

杭州望仙橋周生業儒婦凶悍素忤其姑每歲逢佳節著麻衣拜姑于堂詛其死也周孝而懦不能制妻惟日具蔬餽城隍神願延婦以安母章凡九焚不應乃更為忿語責神無靈是夕夢一卒來曰城隍召汝周隨往入跪廟中城隍曰爾婦忤逆狀吾豈不知但查汝命只一妻無繼妻恰有子二人爾孝子胡可無後故暫寬汝婦汝何曉曉周曰婦惡如是奈堂上何且某與婦恩義既絕又安得有嗣城隍曰爾昔何媒曰范陳二姓乃命拘二人至責曰某女不良而汝為媒嫁于孝子害皆由汝呼杖之二人不服曰某無罪女處閨中其賢否某等無由知周亦代為祈免曰二人不過要好作媒非貪媒錢作誑語者與伊何罪據某愚見婦人雖悍未有不畏鬼神念經拜佛者但求城隍神呼婦至示之懲警或得改逆為孝事未可定城隍曰甚是但爾輩善類故以好面目相向婦凶悍非吾變相不足示威爾輩無忍命藍面鬼持大鎖往擒其妻而以袍袖拂面頃刻變成青靛色朱髮睜眼召兩旁兵卒執刀鋸者皆獠獠凶猛油鐺肉磨置列庭下須臾鬼牽婦至殷肅跪階前城隍厲聲數其罪狀取登註冊示之命夜叉拉下剝皮放油鍋中婦哀號伏罪請後不敢周及兩媒代為之請城隍曰念汝夫孝姑有汝再犯者有如此刑乃各放歸次日夫婦

證此夢皆同。婦自此善視其姑。後果生二子。

文信王

湖州同徵友沈炳震嘗晝寢書臺夢青衣者引至一院深竹蒙密中設木牀素几几上鏡高文許青衣曰公照前生沈自照方巾朱履非本朝衣冠矣方錯愕聞青衣曰公照三生沈又自照則烏紗紅袍玉帶皂靴非儒者衣冠矣有蒼頭闖然入跪叩頭曰公猶識老奴乎奴曾從公赴大同兵備道任者也今二百餘年矣言畢泣手文卷一冊獻沈沈問故蒼頭曰公前生在明嘉靖間姓王名秀為大同兵備道今日青衣召公為地府文信王處有五百鬼訴冤請公質問老奴記殺此五百人非公本意起意者乃總兵某也五百人本劉七黨內敗卒降後又反故總兵殺之以杜後患公會者手書勸阻總兵不從老奴恐公忘記此書難以辨雪故袖此稿奉公沈亦恍然記前世事與總兵者再青衣請曰公步行乎乘轎乎老僕呵曰安有監司大員而步行者呼一輿二夫甚華掖沈行數里餘前有宮闕巍峨中坐王者冕旒白鬚旁吏絳衣烏紗持文簿呼兵備道王某進王曰且止此總兵事也先喚總兵有戎裝金甬者從東廂入沈視之果某總兵舊同官也王與問答良久語不可辨隨喚沈沈至揖王而立王曰殺劉七黨五百人總兵業已承認公有書勸止之與公無干然明朝法總兵亦受兵備道節制公令之不從平日懦惡可知沈唯唯謝過總兵爭曰此五百人非殺不可者也曾許降復反不殺則又將反總兵為國殺之非為私殺也言未

已階下黑風如墨聲啾啾遠來血臭不可耐五百頭拉雜如滾毯齊張口露牙來嚙總兵兼脫沈沈大懼向王拜不已且以袖中文書呈上王拍案厲聲曰斷頭奴詐降復反事有之乎羣鬼曰有之王曰然則總兵殺汝誠當尚何曉曉羣鬼曰當時詐降者渠魁數人復反者亦渠魁數人餘皆脇從者也何可盡殺且總兵意欲迎合嘉靖皇帝嚴刻之心非真為國為民也王笑曰說總兵不為民可也說總兵不為國不可也因諭五百鬼曰此事沉攔二百餘年總為事屬因公陰官不能斷今總兵心迹未明不能成神去汝等怨氣未散又不能託生為人我將以此事狀上奏玉皇聽候處置惟兵備道某所犯甚小且有勸阻手書為據可放還陽他生罰作富家女子以懲其柔懦之過五百鬼皆手持頭叩階噫噫有聲曰惟大王命王命青衣者引沈出行數里仍至竹密書齋老僕迎出驚喜曰主人案結矣跪送再拜青衣人呼至鏡所曰公視前生果仍巾履一前朝老諸生也青衣人又呼曰公視今生不覺驚醒汗出如雨仍在書堂家人環哭道量去一晝夜惟胸間微溫文信王宮闕扁對甚多不能記憶只記宮門外金鐫一聯云陰間律例全無那有法重情輕之案件天上算盤最大只等水落石出的時辰

吳三復

蘇州吳三復者其父某饒于財晚年中落所存只萬金而負人者眾一日謂三復曰我死則人望絕汝輩猶得以所遺資生遂縊死三復實未防救其友顧心怡者探知其事偽設乩仙位而召三

復請仙。三復往焚香叩頭。訖盤大書曰：余爾父也。爾明知父將縊死，而汝竟不防于事先。又不救于事後，汝罪重不日伏誅矣。三復大懼，跪泣求懺悔。訖盤又書曰：余舐犢情深，為汝想無他法，惟捐三千金交顧心怡立斗燒閣，一以超度我之亡魂，一以懺汝之罪逆，方可免死。三復深信之，即以三千金與顧。立收券為憑。顧偽辭讓，若不得已，而後受者少頃。飲三復酒，乘其醉，遣奴竊其券焚之。三復歸家，券已遺失。遣人促顧立閣。顧曰：某未受金，何能立閣？三復心怙其姦，然其時家尚有餘，亦不與校。又數年，三復落甚，求貸于顧。顧以三千金營運，頗有贏餘，欲以三百金周給之。其叔某止之曰：若與三百，則三千之說遂真矣。是不忍而亂大謀也。心怡以為然，卒不與。三復控官，俱以無券不准。三復怒甚，作牒詞訴于城隍。焚牒三日卒。再三日，顧心怡及其叔某偕亡。其夜顧之鄰人見蘇州城隍司燈籠滿巷。時乾隆二十九年四月事。

影光書樓事

蘇州史家巷蔣申吉，余年家子也。有子娶徐氏，年十九，琴瑟頗調，生產彌月，忽置酒喚即君共飲。此別酒也。予與君緣滿，將去，昨日宿宛已到，勢難挽回。諺曰：夫妻本是同林鳥，大難來時各自飛。我死後，君亦勿復相念。言畢大慟，蔣愕然，猶慰以好語。氏忽擲杯起立，豎眉瞋目，非復平日容顏。卧牀上，向西大呼曰：汝記萬曆十二年影光書樓上事乎？兩人設計殺我，我死何慘！呼畢，以手批頰，血出未已。又以剪刀自刺，察其音山東人語也。蔣家人環跪哀求，卒不解。如是者三日。

有某和尚者。素有道行。申吉將遣人召之。徐氏厲聲曰。余汝家祖宗也。汝敢召僧驅我乎。即作蔣氏之祖父語。口吻宛然。呼奴婢名。一一無爽。責子孫不肖事。某某亦復似是而非。中有不中和尚至。問徐氏。啗曰。禿奴可怖。且去。且去。和尚甫出。則又詈曰。汝家媳婦房中。能朝夕使和尚居乎。和尚謂申吉曰。此前世冤業。已二百餘年。纔得尋著。積愈久者。報愈深。老僧無能為。走出不肯復來。徐氏遂死。死時面如裂帛。竟不知是何冤。此乾隆二十九年二月事。

波兒象

蘇州布政司書吏王文賓。晝寢聞書室有布衣絳絳聲。視之一隸卒也。見便昏迷。身隨之行。至一處。殿宇清嚴。中坐兩官。一白鬚年老者上坐。一壯年面麻而黑鬚者旁坐。階下以金絲重籠罩一獸。狀如猪。犬嘴綠毛。見王來。張嘴奮躍。欲前相噬。王懼。跪身向左。左一藍縷枯瘠狀如乞丐。怒目睨王。白鬚官手招王跪近前。問曰。五十三兩之項。汝曾記得乎。王愕然不解。壯年者笑曰。長船變價案也。汝前生事耳。王恍然悟。是前明海運一案。前明海運既停。海船數百隻。追價充公。王前世亦為江蘇書吏。專司此案。運丁追比無出。湊銀賄王圖准充銷。為居間者中飽。案仍不結。此藍縷者乃追比縊死之運丁也。王悟前世事由。即侃侃實對兩官。點頭曰。冤既有主。當別拘中飽者治罪。汝可回陽。命隸卒引出。黃埃蔽天。王知為泉下。問獄卒曰。彼乞丐睨我者。吾知為冤鬼矣。彼似猪非猪。欲噬我者。是何物耶。隸卒曰。此名波兒象。非猪也。陰間畜養此獸。凡遇案件。訊明

罪重之人。即付彼吞噬。如陽間投算豺虎故事。王陳然行至大河側。被隸卒推入水。驚醒。妻子環榻而泣。昏沉者已三日。

斧斷狐尾

河間府丁姓者。不事生業。以狎邪為事。聞某處有狐仙迷人。丁獨往。以名帖投之。願為兄弟。是晚狐果現形。自稱愚兄。吳清年五十許。相得如平生。懽。凡所求請。愚兄必為張羅。丁每夸于人。以為交人不如交狐。一日丁謂吳曰。我欲往揚州觀燈。能否。狐曰。能。河間至揚。離二千里。弟衣我衣。閉目同行。便至矣。從之。憑空而起。兩耳聞風。頃刻至揚。有商家方演戲。丁與狐在空中觀。忽聞場上鑼鼓聲喧。關聖單刀步出。狐大驚。舍丁而奔。丁不覺墜于席上。商人以為妖。械送江都縣。鞠訊再三。解回原籍。見狐咎之。狐曰。兄素膽小。聞關帝將出。故奔。且偶憶汝嫂。故急歸。丁問嫂何在。曰。我狐也。焉能婚娶。也不過魔迷良家婦耳。鄰家李氏女。即汝嫂也。丁心動。求見嫂。狐曰。有何不可。但汝人身無由入人室。室我有小襖。汝著之。便能出入窗戶。如履無人之境。丁如其言。竟入李家。李女久被狐蠱。狀如白癡。丁登其牀。女即與交。女為狐所染。氣奄奄矣。忽近人身。酣暢異常。病亦漸愈。丁告以故。女祕之。不言。而漸漸有樂。丁厭狐之意。狐知之。召丁語曰。開門揖盜。兄之罪也。近日嫂竟愛弟。而憎我。弟固兩世人身。女子愛之。誠宜。然非兄之醜。亦無由顯弟之美也。丁問故。狐曰。凡男子之陰。以頭上肉肥重為貴。年十五。即脫穎出皮。不裹稜。嗅之無穢氣者。人

類也。皮包其頭不淨。稜下多腐渣。而筋勝者獸類也。弟不見羊馬猪狗之陰。非皆皮裹頭犬。而以筋皮勝者乎。出其陰示之。果細瘦而毛犬如錐。丁聞之。愈自得也。狐妬丁奪婦寵。陰就女子之牀。取小襖歸。丁傍晚鑽窗。窗不開矣。塊然墜地。女家父母大驚。以為獲怪。先噴狗血。繼沃屎溺針灸倍至。受無量苦。丁以實情告。其家不信。幸女愛之。私為解脫。曰。彼亦被狐惑耳。不如送之還家。丁得脫歸。將尋狐咎之。狐避不見。是晚大書一紙。貼丁門。曰。陳平盜嫂。宜有此報。從此折開。弟兄分竈。嗣後丁與女斷。狐仍住。其家設醮步罡。終不能禁。女一胎生四子。面狀皆人類。而尻多一尾。落地能行。頗盡孝道。時隨父出採蔬果奉母。一日狐來向女泣曰。我與卿緣盡矣。昨泰山娘娘知我蠱惑婦女。罰砌進香御路。永不許出境。吾將携四子同行。袖中出一小斧。交其女曰。四兒子尾不斷。終不得修到人身。卿人也。為我斷之。女如其言。各拜謝去。

洗紫河車

四川酆都縣見隸丁愷。持文書往夔州投遞。過鬼門關。見前有石碑。上書陰陽界三字。丁走至碑下。摩觀良久。不覺已出界外。欲返迷路。不得已任足而行。至一古廟。神像剝落。其旁牛頭鬼蒙灰絲蛛網而立。丁憐廟中之無僧也。以袖拂去其塵網。又行二里許。聞水聲潺潺。中隔長河。一婦人臨水洗菜。菜色甚紫。枝葉環結如芙蓉。諦視漸近。乃其妻。妻見丁。大驚曰。君何至此。此非人間。丁告之故。問妻所居何處。所洗何菜。妻曰。妾後為閻羅王隸。辛牛頭鬼所娶。家住河西槐樹

下所洗者卽世上胞胎俗名紫河車是也。洗十次者兒生清秀而貴。洗兩三次者中常之人。不洗者愚穢濁之人。閻王以此事分派諸牛頭管領。故我代夫洗之。丁問妻可能使我還陽否。妻曰。待吾夫歸商之。但妾既為君婦。又為鬼妻。新夫舊夫殊覺啟齒為羞。語畢邀至其家。談家常。訖親故近狀。少頃外有敲門者。丁懼伏牀下。妻開門。牛頭鬼入。取牛頭擲于几上。一假面具也。既去。面具眉目言笑。宛若平人。謂其妻曰。儼甚。今日侍閻王審大案數十。脚跟立久酸痛。須斟酒飲我。徐驚曰。有生人氣。且嗅且尋。妻度不可隱。拉丁出叩頭告之。故代為哀求。牛頭曰。是人非獨為妻故將救之。是實于我有德。我在廟中蒙灰滿面。此人為我拭淨。是一長者。但未知陽數何如我。明日往判官處偷查其簿。便當丁然。命丁坐。二人共飲有數饌。至丁將舉箸。牛頭與妻急奪之曰。鬼酒無妨。鬼肉不可食。食則常留此間矣。次日牛頭出。及暮歸。欣欣然賀曰。昨查陰司簿冊。汝陽數未終。且喜我有出關之差。正可送汝出界。手持肉一塊。紅色臭腐。曰以贈汝。可發大財。丁問故。曰。此河南富人張某之背上肉也。張有惡行。閻王擒而鈎其背于鐵錐山。半夜肉潰脫逃去。現在陽間患發背瘡。予醫不愈。汝往以此肉研碎敷之。即愈。彼必重酬汝。丁拜謝以紙裹而藏之。遂與同出關。牛頭即不見。丁至河南。果有張姓患背瘡。醫之痊。獲五百金。

石門屍怪

浙江石門縣。里書李念先。催租下鄉。夜入荒村。無旅店。遙望遠去茅舍。有燈。向光而行。稍近。見

破籬攔門中有呻吟聲。李大呼里書某催糧求宿。可速開門。竟不應。李從籬外望見。遍地稻草。草中有人枯瘠。如用灰紙糊其面者。面長五寸許。闊三寸許。奄奄然臥而宛轉。李知為病重人。再三呼。始低聲應曰。客自推門。李如其言入。病人告以染疫垂危。舉家死盡。言甚慘。強其外出買酒。辭不能許。謝錢二百。乃勉強爬起持錢而行。壁間燈滅。李倦甚。倒卧草中。聞草中颯然有聲。如人起立者。李疑之。取火石擊火。照見一蓬髮人。枯瘦更甚。面亦闊三寸許。眼閉血流。形同僵尸。倚草直立。問之不應。李驚。乃盡焚火石。每火光一亮。則僵尸之面一現。李患遁。出坐而倒退。退一步。則僵尸進一步。李愈駭。挾籬而奔。尸追之。踐草上。款款有聲。狂奔里許。闖入酒店。大喊而仆。尸亦仆。酒家灌以薑湯蘇具。道其故。方知合村瘟疫。追人之尸。即病者之妻。死未棺殮。感陽氣而走魄也。村人共往尋。活酒者亦持錢倒於橋側。離酒家尚五十餘步。

空心鬼

杭州周約先家住東青巷。屋之大廳上。每夜立一人。紅袍烏紗。長髯方面。旁侍二人。瑣小猥鄙。衣青衣。聽其使喚。其曾以下至肚腹。皆空透如水晶。人視之。雖隔肚腹。猶覺其廳上所挂畫也。周氏卽年十四。卧病見烏紗者呼從者謀曰。若何而害之。從者曰。明日渠將服盧浩亭之藥。我二人變作藥渣。伏碗中俾渠吞入。便可抽其肺腸。次日盧浩亭來診脈畢。周氏卽不肯服藥。告家人以鬼語如此。家人買一鍾馗挂堂上。鬼笑曰。此近視眼鍾先生。目昏昏然。人鬼不辨。何足懼哉。蓋畫

者戲為小鬼替鍾馗取耳。鍾馗惡瘡微合其目故也。居月餘。鬼又言曰。是家氣運未衰。鬧之無益。不如他去。烏紗者曰。若如此。空過一家。將來成何。何以得血食乎。掄其指曰。今已周年。可索一屬猪者。未幾果一奴屬猪者死。而主人愈。周氏家人至今呼為空心鬼。

畫工畫僵尸

杭州劉以賢。善寫照。隣人有一子。一父而居室者。其父死。子外出買棺。囑隣人代請以賢。為其父傳形。以賢往。入其室。虛無人焉。意死者必居樓上。方躡梯登樓。就死人之床坐。而抽筆。尸忽蹶然起。以賢知為走尸。坐而不動。尸亦不動。但閉目張口。翕翕然肩撐肉皺而已。以賢念身走。則尸必追。不如竟畫。乃取筆申紙。依屍樣描摹。每臂動指運。尸亦如之。以賢大呼。無人答應。俄而其子上樓。見父屍起。驚而仆。又一隣上樓。見尸起。亦驚滾落樓下。以賢窘甚。強忍待之。俄而擡棺者來。以賢徐記尸走畏若帚。乃呼曰。汝等持若帚來。擡棺者心知有走尸之事。持帚上樓。拂之倒。乃取薑湯灌醒仆者。而納尸入棺。

鶯嬌

揚州妓鶯嬌。年二十四。矢志從良。有柴姓者。娶為妾。婚期已定。大學生朱某慕之。以十金求懽。妓受其金。給曰。某夕來。當與即同寢。朱臨期往。則花燭盈門。鶯嬌已登車矣。朱知為所誑。悵然反。逾年鶯嬌病瘵卒。朱忽夢見鶯嬌披黑衫。直入朱門曰。我來還債。驚而醒。明日家產一里半。向

朱依依。若相識者。賣之竟得十金。狎狎之費。尚且不可苟得也如此。

旁觀因果

常州馬秀才士麟。自言幼時從父讀書北樓。窗開處與賣菊叟王某露臺相近。一日早起倚窗望天色微明。見王叟登臺澆菊畢。將下臺。有擔糞者荷二桶升臺。意欲助澆。叟色不悅拒之。而擔糞者必欲上。遂相擠于臺坡。天雨臺滑。坡仄且高。叟以手推擔糞者。上下勢不敵。遂失足隕臺下。叟急趨扶之。未起。而雙桶壓其胸。兩足蹶然直矣。叟大駭。噤不發聲。曳擔糞者足。開後門置之河干。復舉其桶置戶旁。歸閉門復卧。馬時雖幼。念此關人命事。不可妄設掩窗而已。日漸高。聞外轟傳河干有死人。里保報官。日午武進知縣鳴鑼至。忤作跪啟尸無傷。係失足跌死。官詢隣人。隣人齊稱不知。乃命棺殮加封焉。出示招尸親而去。事隔九年。馬年二十一入學為生員。父亡家貧。即于幼時讀書所。招徒授經。督學使者劉吳龍將臨歲考。馬早起溫經。開窗見遠巷有人肩兩桶冉冉來諦視之。擔糞者也。大駭。以為來報叟仇。俄而過叟門不入。別行數十步。入一李姓家。李頗富。亦近隣而居相望者也。馬愈疑起尾之。至李門。其家蒼頭踉蹌出曰。吾家娘子分娩甚急。將往招收生婆。問有擔桶者入乎。曰無。言未畢。門內又一婢出曰。不必招收生婆。娘子已產一官人矣。馬方悟。擔糞者來託生。非報仇也。但竊怪李家頗富。擔糞者何修得此。自此留心訪李家兒作何舉止。又七年。李氏兒漸長。不喜讀書。好畜禽鳥。而王叟康健如故。年八十餘。愛菊之性老而

彌篤。一日者。馬又早起倚窗。更上臺。灌荊李氏兒亦登樓放鵲。忽十餘鵲飛集。更化臺欄杆上。兒懼飛去。再三呼鵲不動。兒不得已。尋取石子擲之。誤中王更。更驚失足。墮于臺下。良久不起。兩足蹶然直矣。兒大駭。噤不發聲。默默掩窗去。日漸高。更之子孫咸來尋翁。知是失足跌死。哭殮而已。此事聞于劉繩菴相公。相公曰。一擔糞人。一更報復之巧如此。公平如此。而在局中者。彼此不知。賴馬姓人冷觀。歷歷然。則天下事吉凶禍福。各有來因。當無絲毫舛錯。而惜乎從旁冷觀者之無人也。

徐四葬女子

擺呀喇徐四。居京城金魚。衚衕家貧。屋內外五間。兄嫂二人同居。兄外出值宿。嫂素賢。謂徐四曰。北風甚大。室惟一煖炕。吾與叔俱畏寒。而又不便同炕宿。我今夜歸宿母家。以炕讓叔。叔唯唯。嫂遂歸甯。夜二鼓。月色微明。有叩門者。走入。美少年。貂帽狐裘。手挈一囊。坐炕上。泣曰。君救我。我非男子。君亦不必問我所由來。但許我一宿。我以貂裘為贈。解其囊示徐。金珠首飾。約值萬金。徐年少。見其貌美。懷寶意不能無動。然終不知何家女。留之懼禍。拒之不忍。乃曰。奶奶姑坐。我與隣人商量。即歸。女曰。諾。徐自外掩門。奔往善覺寺。告方丈僧圓智。圓智者。高年有道。徐素所敬也。圓智聞之。亦大駭曰。此必大家貴妾。有故奔出。留之有禍。拒之不忍。子不如在我菴中。坐以待旦。俟天明歸家。未遲。徐以為然。圓智之弟子某。素無賴。聞之。乃偽作徐還家狀。開門滅燈。入遽上炕。

抱女子卧矣。是夜其兄值宿苦寒。以取皮衣故。四更還家。持燈照炕下有男子履。大怒。以為妻與叔姦。拔腰間刀連斷兩頭。奔告岳家。門大呼。妻自內走出。其兄驚仆地。以為鬼也。正喧嚷間。而徐四與圓智亦來。方知誤殺之。因相與報官。刑部以為殺姦律本勿論。但懸女頭招尸親。竟無認者。徐四憐女子之送死。需其金珠為收葬焉。

羊踐前緣

康熙五十九年。東巡撫李公樹德生日。司道各具羊酒為壽。連日演戲。諸幕客互相娛宴。徹夜不卧。有刑名張先生。酒酣逃席。入房將就寢。聞紗帳內囁囁有聲。看男女交媾狀。怒以為他幕客。瞋僇童。僇其牀為淫所。大呼揭帳。則兩白羊跪而人淫。即羣官送禮之羊也。見人驚散。張笑以為奇。偏膏人少頃。張昏迷仆地。以手自批其頰罵曰。老奴可惡。我與謝郎生死因緣。隔四百七十年。方得一聚。談何容易。又被汝驚散。破人婚姻。罪不可饒。言畢。又自批頰。撫軍聞之。來視笑慰之曰。謝家娘子。何必如此。吾生日本意放生行善。今將爾等數百隻盡行放生。聽汝配偶。以了夙緣。何如。張聽畢叩首曰。謝大人躍然起矣。此事梁瑤峯相公言。

鬼神欺人以應劫數

本朝定鼎後。有顧姓者。妄欲糾常熟無錫兩邑民為亂。有點者某。知其無益而難于相禁。乃號于眾曰。其村闕帝廟甚靈。盍禱于帝。取周將軍鐵刀。重百二十斤者。投河以下之。沉則敗。不可起。

兵浮則勝。可以起兵。其意以為鐵刀必沉之物。故試之以阻眾也。先禱于神。聚眾投刀。刀浮水面。如舊葉一片。眾驚起。即日揭竿起者數萬人。俄而王師至。剿絕無遺。

楚陶

乾隆丙寅夏。江陰縣民徐甲家患黑青。火焚其突。天盈於瓶。嘯嗥無甯夕。里人咸患苦之。時邑令劉君幹長。粵西名士也。禱於神不應。延羽士賽祈不應。乃託劉少司空星輝為文。禱于城隍。令齋沐投爐。宿神廡下。聽命。翌日無所兆。但爐灰墳起作楚陶二字。令謂曰。汝豈與楚人陶姓有冤乎。甲大驚。莊實云。甲幼年訪其宗人某。往武昌。路患惡疾。同行者委之於道。分轉溝壑死矣。有一丐者。雄軀深目。分糧糲食之。攜與同乞。月餘病良已。丐者以力凌其曹偶。所得獨贏。因省晉為甲作歸計。竟得歸。甲素有心計。為人傭。租得婚娶。且小阜矣。亡何丐忽至。按巨橐。顏色窘甚。而之曰。曩別後。竄身綠林。浮沉湖湘間二十載。今事敗捕急。請從子而庇焉。甲唯唯語其子。子謂功令匿盜者與盜同罪。不如放之使逸。甲方囁嚅未決。忽伍伯數人入。繫其人以去。甲大驚。有拍手笑于房者。其子婦也。曰。大恩不報。新婦知若父子不忍。故已通知捕快召之入矣。獲厚貲。且得賞何懼為。民無可奈何。顧常大恨。不意其皇皇於此也。劉令曰。盜劫人而子殺盜。盜當其罪。何厲之能為。顧汝享其利。則汝亦盜也。神人烏能庇盜。無何崇益甚。燬其家殆盡。子若婦先後卒。崇乃絕。

藏魂罈

雲貴妖符邪術最盛貴州臬使費元龍赴滇家奴張姓騎馬上忽大呼墜馬左腿失矣費知妖人所為張示云能補張某腿者賞若干隨有老人至曰是某所為張在省時倚主人勢威福太過故與為惡戲張亦哀求老人解荷包出一腿小若蝦蟆呵氣持咒向張擲之兩足如初竟領賞去或問費公何不威以法曰無益也在黔時有惡棍某案如山積官杖殺之投尸於河三日還魂五日作惡如是者數次訴之撫軍撫軍怒請王命斬之身首異處三日後又活身首交合頸邊隱隱然紅絲一條作惡如初後毆其母母來控官手一罈曰此逆子藏魂罈也逆子自知罪大惡極故居家先將魂提出煉藏罈內官府所刑殺者其血肉之體非其魂也以久煉之魂治新傷之體三日即能平復今惡貫滿盈毆及老婦老婦不能容求官府先毀其罈取風輪扇扇散其魂再加刑於其體庶幾惡子乃真死矣官如其言杖斃之而驗其尸不決旬已臭腐

老嫗為妖

乾隆二十年京師人家生兒輒患驚風不周歲便亡兒病時有一黑物如鴉鵂盤旋燈下飛愈疾則小兒喘聲愈急待兒氣絕黑物乃去不幾其家兒又驚風有侍衛鄂某者素勇聞之怒挾弓矢相待見黑物至射之中弦而飛有呼痛聲血涔涔灑地追之踰兩重牆至李大司馬家之竈下乃滅鄂挾天之竈下李府驚爭來問訊鄂與李素有戚道其故大司馬命往竈下見之見旁屋